



UN VISITA AL MERCATO IN NICE

INTRODUCTION

Narrator: In le sud de Francia es situate Nice, le quinte plus grande urbe in le pais. Nice es famose pro su Promenade del Angleses, un large area solmente pro pedones e bicyclistas preter le famose costa con aqua azur. In un breve distantia del promenade – in le ancian urbe de Nice – on trova le grande mercato con un atmosfera vivide.

IN LE MERCATO

Paulo: Il es incredibile quante colores il ha ci in le mercato.

Anna: Si, e il ha tante cosas deliciose que on desira comprar – si on poterea trovar le spatio in le coffro pro illos.

Paulo: Vide, la on pote comprar oleo de oliva e aceto – e mesmo mustarda. Il ha multe typos, mesmo mustarda in granos.

Anna: E la il ha un parve orangiero con multe oranges. Illo esserea bellissime in nostre jardin.

Petro: Si, ma como transportar un orangiero per le aeroporto? No, nos debe trovar alcun delicatessas que pote rememorar nos de Nice.

Paulo: Si, io amarea comprar mustarda.

Venditrice: Bon die, senior. Que desira vos?

Paulo: Es iste mustarda forte?

Venditrice: No, illo ha un gusto profunde, ma illo non es forte. Iste mustarda es usable in quasi omne typos de repastos.

Paulo: Allora io va prender uno. Qual es le precio?

Venditrice: 5,80 euros (cinque euros e octanta) per potto, senior. Desira vos un sachetto pro illo?

Paulo: Si, per favor, allora le vitro non va rumper durante le trasporto. Ecce le moneta.

Venditrice: Gratias, senior. A revider!

Paulo: A revider e gratias.



Anna: Non debe nos comprar anque alcun salsicias? Vide, como illos es bellemente arrangiate e appare gustose. Excusa me, senior, quanto costa le salsicias?

Venditor: Il ha varie typos de salsicias, dunque le precios varia un poco. Nos ha un salsicia con herbas de Provence, un salsicia de porco salvage, e ecce un salsicia sic. Omne istos costa 2,30 euros (duo euros e trenta) per 100 grammas.

Anna: Da me un tal salsicia de porco salvage e un con herbas de Provence, per favor.

Venditor: Un bon selection, senioreta. Ecce illos. 4,60 euros, per favor!

Anna: Assi e gratias!

Venditor: Gratias.

Petro: Vide ci, on pote comprar un sapon de Marseille. Illo odora deliciosemente. Vole nos un sapon blanc o lilac? Un sapon es 2,50 euros, tres sapones costa 7 euros. Non prenderea nos tres?

Anna: Si, un pro cata de nos, ha ha.

Petro: Perfecte, io va comprar tres. Ma il

unque ha varie condimentos. On pote comprar herbas de Provence in sachettos e sal con diferente species in vitros – oh, e tapenade!

Paulo: Que es tapenade?

Petro: Vide, isto es. Tapenade es un sorta de purée con finmente secate olivas, caperos, anchovas e oleo de oliva. Illo es deliciose con un bon pan.

Anna: Uhm, que nos compra un vitro de tapenade ... no, duo! E, Paulo, poterea tu trovar alcun bon panes, per favor?

Paulo: Si, capitano! Immediatemente, le aqua me veni in le bucca...



Un orangerio con oranges

In basso: lavandula



BENVENITE AL MERCATO

Ecce alcun photos del mercato in Nice. Usa los como inspiration pro un conversation – o un narration. Que amarea tu comprar? Describe le merces, le gusto, le colores etc.

